



Broj: 01/2-02-404 /21  
Datum: 18.05.2021.godine

Na osnovu članova 60. stav (3) i stav (4), 68. stav (1), 70., 72. stav (3) tačka a) Zakona o javnim nabavkama Bosne i Hercegovine ("Službeni glasnik BiH", broj: 39/14), Pravilnika o planiranju nabavki, provođenju postupaka javnih nabavki i izvršenju ugovora („Službeni glasnik Općine Visoko”, broj: 01/19), otvorenog postupka javne nabavke za: LOT 1 – Rekonstrukcija kanalizacione i oborinske mreže i rekonstrukcija vodovoda Visoko – naselja Hadžijina voda i LOT 2 – Dogradnja vodovodnog sistema Visoko – podsistem Gračanica, dogradnja rezervoara Kula Banjer pokrenutog Odlukom broj: 01/2-02-1079/20 od 24.11.2020. godine i objavljenog na portalu javnih nabavki Obavještenjem o nabavci broj: 870-1-3-56-3-116/20 dana 26.11.2020. godine, donosim:

### **ODLUKU**

**o izboru trećerangiranog ponuđača za LOT 2 – Dogradnja vodovodnog sistema Visoko – podsistem Gračanica, dogradnja rezervoara Kula Banjer**

#### **I**

Odlukom o izboru najpovoljnijeg ponuđača broj: 01/2-02-78/21 od 11.02.2021.god. kao najpovoljniji ponuđač za LOT 2 – Dogradnja vodovodnog sistema Visoko – podsistem Gračanica, dogradnja rezervoara Kula Banjer izabran je ŠPIC BETON d.o.o. Zenica.

Izabrani ponuđač nije postupio u skladu sa tačkama II i III Odluke o izboru najpovoljnijeg ponuđača broj: 01/2-02-78/21 od 11.02.2020.god., tj. nije dostavio dokumentaciju iz članova 45. i 47. Zakona o javnim nabavkama, zbog čega je komisija njegovu ponudu odbacila.

Ugovorni organ je drugorangiranom ponuđaču Konzorcij ADO-TRANS d.o.o. Visoko i TERMO-BETON d.o.o. Breza uputio Zahtjev za produženje roka važenja ponude i garancije broj: 01/2-02-287/21 od 26.04.2021.god. po kojem ponuđač nije dostavio odgovor, zbog čega se u skladu sa članom 60. stav (3) Zakona o javnim nabavkama smatra da je ponuđač odbio zahtjev ugovornog organa i njegova ponuda se ne razmatra u daljem toku postupka.

U skladu sa navedenim, najpovoljnijim ponuđačem proglašava se:

#### **AGI d.o.o. Konjic**

(sa cijenom ponude u iznosu od 146.000,00 KM bez PDV-a)

#### **II**

Stavlja se van snage dio Odluke o izboru najpovoljnijeg ponuđača broj: 01/2-02-78/21 od 11.02.2020.god. koji se odnosi na LOT 2 – Dogradnja vodovodnog sistema Visoko – podsistem Gračanica, dogradnja rezervoara Kula Banjer.

#### **III**

Izabrani ponuđač obavezan je dostaviti dokumentaciju iz člana 45. Zakona o javnim nabavkama, u roku od 7 (sedam) dana od dana prijema ove Odluke, a u skladu sa uslovima definisanim u Tenderskoj dokumentaciji.

#### IV

Po sticanju uslova za zaključenje ugovora, ugovorni organ će pozvati izabranog ponuđača radi zaključenja ugovora u skladu sa zahtjevima-uslovima ugovornog organa navedenim u otvorenom postupku.

#### V

Odluka stupa na snagu danom donošenja.

### O b r a z l o ž e n j e

U postupku javne nabavke je donesena Odluka o izboru najpovoljnijeg ponuđača broj: 01/2-02-78/21 od 11.02.2021.god. na koju je izjavljena žalba na LOT 2 od strane ponuđača VIZIJA d.o.o. Visoko, a koju je ugovorni organ prosljedio kao neosnovanu Uredu za razmatranje žalbi BiH. Postupajući po žalbi, Ured za razmatranje žalbi BiH donio je Zaključak broj: JN2-03-07-1-632-7/21 od 18.03.2021.god. kojim je žalba odbačena kao neuredna.

Odlukom o izboru najpovoljnijeg ponuđača broj: 01/2-02-78/21 od 11.02.2021.god. izabrani ponuđač ŠPIC BETON d.o.o. Zenica bio je obavezan dostaviti dodatnu dokumentaciju iz člana 45. Zakona o javnim nabavkama i dokumentaciju iz člana 47. Zakona o javnim nabavkama u originalu ili ovjerenoj kopiji.

Komisija je na sastanku održanom 20.04.2021.god. konstatovala da najpovoljniji ponuđač za LOT 2 ŠPIC BETON d.o.o. Zenica izabran Odlukom o izboru najpovoljnijeg ponuđača broj: 01/2-02-78/21 od 11.02.2021.god. nije postupio po tačkama II i III donesene Odluke tj. da nije dostavio dokumentaciju iz člana 45. Zakona o javnim nabavkama i dokumentaciju iz člana 47. Zakona o javnim nabavkama u originalu ili ovjerenoj kopiji, zbog čega je odbacila njegovu ponudu.

Na osnovu navedenog, Komisija je predložila Ugovornom organu donošenje Odluke o izboru najpovoljnijeg ponuđača drugoplasiranog sa rang liste poslije održane e-aukcije: Konzorcij ADO-TRANS d.o.o. Visoko i TERMO-BETON d.o.o. Breza sa cijenom ponude u iznosu od 105.000,00 KM bez PDV-a.

Drugorangiranom ponuđaču Konzorcij ADO-TRANS d.o.o. Visoko i TERMO-BETON d.o.o. Breza upućen je Zahtjev za produženje roka važenja ponude i garancije broj: 01/2-02-287/21 od 26.04.2021.god. Komisija je na sastanku održanom 05.05.2021.god. konstatovala da ponuđač Konzorcij ADO-TRANS d.o.o. Visoko i TERMO-BETON d.o.o. Breza nije dostavio odgovor na upućeni zahtjev, zbog čega se u skladu sa članom 60. stav (3) Zakona o javnim nabavkama smatra da je ponuđač odbio zahtjev ugovornog organa i njegova ponuda se ne razmatra u daljem toku postupka.

Na osnovu navedenog, Komisija je predložila Ugovornom organu donošenje Odluke o izboru najpovoljnijeg ponuđača trećeplasiranog sa rang liste poslije održane e-aukcije: AGI d.o.o. Konjic sa cijenom ponude u iznosu od 146.000,00 KM bez PDV-a.

Ponuđaču AGI d.o.o. Konjic upućen je Zahtjev za produženje roka važenja ponude i garancije broj: 01/2-02-346/21 od 05.05.2021.god.

Komisija je na sastanku održanom 17.05.2021.god. konstatovala da je ponuđač AGI d.o.o. Konjic blagovremeno dostavio Odgovor na zahtjev za produženje roka važenja ponude i garancije broj: 165/21 od 07.05.2021. i Garanciju za ozbiljnost ponude broj: 1025079300074153 od 11.05.2021.god., te predložila donošenje Odluke o izboru najpovoljnijeg ponuđača trećeplasiranog sa rang liste poslije održane e-aukcije: AGI d.o.o. Konjic sa cijenom ponude u iznosu od 146.000,00 KM bez PDV-a.

U skladu sa navedenim odlučeno je kao u dispozitivu.

**POUKA O PRAVNOM LIJEKU:**

Protiv ove Odluke ponuđač ima pravo da izjavi žalbu u roku od deset dana od dana prijema odluke. Žalba se ulaže ugovornom organu u pisanoj formi direktno ili preporučenom poštanskom pošiljkom. Žalba se podnosi u tri primjerka.

**Dostavljeno:**

1. AGI d.o.o Konjic,
2. Evidencija,
3. a/a.-



**GRADONAČELNIK**

mr.sc. Mirza Ganić dipl.ing.